

JA GAQ HEEQ NIA NAIL LI BHAO-N

Mil nee uq nee Li bhao-n dai khul nail ja gaq heeq nia nail saq laq teevq gaq jaol lao thaq nail ngaol.

Teevq-n neq, civq cieivq tsiq nail tsaol-aq teevq gaq lal khi, ja gaq hal lal thaq nail ngaol.

Aq u phao, saq laq al gaq neq, caovq ceevq tsaq dai dee bhai, guq hail haiq neev deeq bhai, bhaiq tsil bhaiq eel khal bhoel, eel laol khal bhoel khi lav phaqa khi bhi daol-a nail ngaol.

Teevq gaq neq, aoq bhao ma nal nail bhai khul ya jaq nail dai nal daiq lal thaq nail ngaol.

Aoq bhao ma nal nail bhai neq, ngail cavq ngail heel nail daoq tsail aq jiq jaq yaoq dai ge bhiq-a nail ngaol.

Al ovq tavq teev gaq neq, aq sivq daq moe bhai neq, khul ya jaq nail dai nal daiq lal thaq nail ngaol.

Aq sivq daq moe bhai neq, aq khaq khaq gov nail aq pavq puvq khi daol yaoq dai ge bhiq thaqa nail ngaol.

Teevq gaq neq, mil sivq maq bhi nal lal dai khal hai ya khi nail dai nal daiq lal thaqa nail ngaol.

Aq ivq jaq bheq ol mil sivq maq bhi nal lal dai neq, yaol thaol maq ya bhi keivq ail bhee kha kha khi ya iq thaiq nail ngaol.

Khul khi mail yaq noil bhai ovq mav he lal bhiq nail

Aq u phao yaq noil teevq gaq jaol lao thaq nail ngaol.

Teevq-n neq, yaq noil al gaq ovq mav he lal bhiq thaq nail ngaol.

Aivq nail aq ma yaq noil al gaq bhal khi, ja gaq lav sav nail saq laq jaol nail bha lai-a nail ngaol.

Ja gaq lav sav nail saq laq neq, naoq nail yaq noil bhai aq haol haol dai ya bhi jaol naol dai ge bhiq thaq nail ngaol.

Yaq noil ovq mav he lal nail neq, maq haol nail pha q ovq mav lavq khoel bhai aol-ail nail ngel-i mail ngaol dai ge bhiq thaq nail ngaol.

Maq haol nail aq lavq i mail oil khi jaq haq neq, ovq mav he lal nail ngaol.

Maq haol nail aq tseel eel phee q yuq khi ngaol-aoq he lal nia nail ngaol.

Maq haol nail ul cuvq daol khi ngaol-aoq ovq mav he lal nia nail ngaol.

Yaol heel bhai yaol phaol yaoq. Jal tsoiq bhai iq sanl aq haol haol dai bhi jiav yaoq.

Ovq mav maq he lal dai khal hai ya yaol phaol nail ganl

Il khaol aq haol haol dai bhi jiav yaoq. Lavq niil dov duq iq sanl aq haol haol dai bhi jiav yaoq.

Nl jaq nl daol nail bhai khee, ya civ, jaiq yaq juq aq jail bhai thaq bhi lal.

Jal tsoiq jal phai maq khaiq, haq joil maq khaiq, ul lavq u phao maq tsiq dai maq ya nl jaq-ail.

Nl jaq nl daol u phao, jiavq lai dai ya nl jaq nail ngaol.

Ovq mav he lal haq neq, lavq khoel khe aol nail ul cuvq aq haol gee lai nail ngaol.

Gee lai nail ul cuvq aq haol, aol kovq lal dai cavq devq ul lul ya daol nail ngaol.

Yu-i mail gaoq nail cavq devq maq jiav haq neq, il khaol khe cavq devq lavq noil nvq tsi dai kovq laol nee lav pha q khi daol yaoq. Gaq aol kovq lal nail ngaol.

Ovq mav he nail ul cuvq taivq-ail pevq lal haq neq, cavq devq ul lul teevq-n hail pov ya daol nail ngaol.

Gee lai-a nail ul cuvq aq haol bhee kovq lal dai cavq devq ul lul yao daol nail ngaol. Al ovq tavq aovq cavq ya jaq nail ngaol.

Ge jel lavq-a nail pha q bhai tsao the haq neq, naoq nail yaq

ovq mav khal he-ail maq he lal-ail.